

Gvangjsih Minzcuz Bau

ganbhau: CN45-0036 B.2017 Nd.3 Ng.8 liggaueq dingyoux nienz ndwenngelh cib'it

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3264期

Daengx Guek Yinzda Daibyaui Luz Yenbenj Ciepsouh Gvangjsih Densidaiz Gicej Caijfangj:
Genyi Guekgya Gyalai Ligdoh Haeujcoengh Gvangjsih Haiguh Hong Baujhoh Seiogyaiq Yizcanj

全国人大代表卢献匾接受广西电视台记者采访:
建议国家加大对广西开展世界遗产保护工作的支持力度

Bonjbauq siusik (gicej Liengz Cingz) 3 nyied 4 hauh banhaemh, daengx guek yinzda daibyaui、Gvangjsih Bouxcuengh Swcigih Minzcuz Cunghgyau Swvu Veijyenzei dangcuj suhgi Luz Yenbenj youq Baekging ciepsouh Gvangjsih Densidaiz gicej caijfangj, caijfangj sibinz youq haemhaenx 《Gvangjsih Sinhvwz》cezmuz boqcuengq.

《Gvangjsih Sinhvwz》cezmuz cuengq ok: Aen Hoih Cibngeih Gaiq Daengx Guek Yinzda Haj Baez ngoenzcog couh yaek haimuq lo, ngoenzneix, Gvangjsih daengx guek yinzda daibyaui dawzgaenj seizgan coihgaij ndeicaez yian、genyi, daibyaui Luz Yenbenj naeuz yaek ciuq gij vwndiz baujhoh seiogyaiq yizcanj daezok daibyaui genyi. De lwnh gicej,

“bi' gvaq, vehbangxdat Byaraiz Cojgyangh Gvangjsih swnhleih bauq baenz yizcanj, gyahwnj bi 2014 Gahswhdwz Vanzgyangh ndaej senj haeui seiogyaiq swhyienz yizcanj (caeuq Gveilinz bingzbaiz). Seizneix, Gvangjsih miz song dieg seiogyaiq yizcanj, hoeng ngaenzcienz Gvangjsih haemq mbangnyieg, doiq baujhoh seiogyaiq yizcanj gingniemh mbouj gaeuq, gaenjbik aeu ndaejdaengz guekgya lai haeujcoengh caeuq bangcoh.” Daengx guek song hoih bineix, daibyaui Luz Yenbenj caepcawq daezgyau 《Gij Genyi Mizgven Caenh'itbous Haeujcoengh Gvangjsih Haiguh Hong Gvendaengz Seiogyaiq Yizcanj》.

Daibyaui Luz Yenbenj naeuz, “lumj Byaraiz, de mboujdan dwg vehbangxdat, riuzcienz roengzdaeuq lij

miz gienz Byaraiz, lij miz ndangdaenj, lij miz yaem'wenq dem. Baenzneix dou youq fuengmienth neix aeu caeuq guekgya feihvuzciz vwnzva yizcanj mizgven cwngecwz dox gvanlienz, ndaej hawj haeujcoengh, gyalai ligdoh baujhoh doengzseiz, cauhsuk beksingq vnzlai dieg yizcanj, hawj beksingq vnzlai ndaej gij leih'ik caencaen saedsaed yaw ndaej raen de.”

Dangguh daengx guek yinzda siusiq minzcuz daibyaui、Gvangjsih Minzcunghveij dangcuj suhgi, Luz Yenbenj youq daengx guek song hoih bineix lij yaek daezok song hangh genyi wnq: It dwg gij genyi mizgven caenh'itbous bangfuz ywdoj Bouxcuengh hwngef, ngeih dwg gij genyi mizgven caenh'itbous gyalai ceiok hawnjhoengq dieg minzcuz.

SIUSIK DINJ

简讯

● 3 nyied 5 hauh banringzgvaq, gyoengq minzgingj Fangzcwnzgngangj Bienfuengz Cihdui Majlu Bienfuengz Baicuzsoj bae daengz ginglaujyen dieg guenjieix, gaenxmaenx haiguh “hag Leiz Fungh, gvansim bouxlaux gadog” hozdung, vih gyoengq bouxlaux ranzvubauj yangjlaujyen soengq bae gij simnde raeujrubrub.

(Hoz Yivuj Veiz Sanggyah)

● 3 nyied 5 hauh, liggaueq ngoenz gingcig ngeihcib seiq aen ciethieiq, Gveilinz Si Gvanyangz Yen banh ciet hongdawz “liggaueq ndwenngelh cobet” bi gvaq mbat haenx, miz haujlai hongdawz youq yienhsingz gai, gyoengq bouxguhnaiz yungh seizheiq neix, bae ndaw singz senj cawx hongdawz vih seizcin dajndaem guh ndei caepcawq.

(Vangz Shwchang)

● 3 nyied 3 hauh banhaemh, Denzyangz Yen Fuyou Baujgenyen、Yen Fuyou Baujgen Giva Swnggyuz Fuzvu Cungsimsim youq Denzcouh Gujcwngz Gvangjcaengz banh gaiq daeuz fuzvu lijyiz doxdax vanjvei, gak gohsiz daengxcungq canghyw roengzsim lienh cezmuz, aeu cezmuz ndei yawj buen hwnj gwnz daiz doxdax, miz diuqfoux、siujbinj、heiq cingzgingj daengj gak cung hingzsiq, baijyenj le gij yienghsiengq moq daengx yen、daengx cungsimsim, ndaejdaengz yienhciegz bouxyawj bekwngz haenhndei.

(Vangz Gzsun)

● Bi' gvaq ndwen 10 daeuj, Yungzsuij Myauzcuz Swciyen Vanghdung Yangh Dwnghoz Cunh ndaej cwngefj dangdieg haeujcoengh, doenggvaq gij vunqsik “dangjen + gunghsw + ranzungzhoj” daiq 18 ranz ranzungzhoj ndaem raetmoenggaex naz cambouj lai 10 moux, caemhaicaiq saedhengz doengjit guenjieix、doengjit gai. Raetmoenggaex hainduj mbaet 3 ndwen lai daeuj, souhaeuj gaenq daengz 18 fanh lai maenz.

(Lungz Linzci)

Vunzlai Siusiq Minzcuz Gvangjsih Haeujsim Yawj Song Hoih

广西少数民族群众
热切关注两会盛况

3 nyied 5 hauh, Aen Hoih Daihcibngeih Gaiq Daengx Guek Yinzminz Daibyaui Daihhaj Baez youq Baekging Yinzminz Daveidanz haimuq. Ganbu vunzlai gak cuz Lungzswng Gak Cuz Swciyen Gvangjsih doenggvaq densi、vangjloz daengj, roxyiuj gij cingzgvang aen hoihhoengh. Ndaw doz dwg gyoengq vunzlai Yauzcuz aen yienh neix yawjngonz aen hoihhoengh cizboh.

(Banh Cisiengz/潘志祥)



Namzningz Diuqfoux 《Ciengq Denhyauz》Ndaej Gaiq Daihcibhaj
Daengx Guek Bouxcoz Nyezrauh Conhyez Diuqfoux Doxdax Gimciengi
南宁市舞蹈《唱天谣》荣获第十五届全国青少年专业舞蹈大赛金奖

Mboengqneix, Namzningz Si Sinhghingh Minzcuz Hagdangz cienz daeuj siusik ndei! Diuqfoux 《Ciengq Denhyauz》gag caux aen hagdangz neix ndaej gaiq daihcibhaj daengx guek bouxcoz nyezrauh conhyez diuqfoux doxdax gimciengi.

Ciuq cam rox, aen sedonz diuqfoux aen hagdangz neix laebbaenz daeuj, haenqrengz yenzgiu gofoux gak minzcuz Gvangjsih, mboujduenh vatcimh minzcuz vwnzva yenzsu, bien caux baenzdauq diuqfoux nyuenz miz

neix, gungganq le buek youh buek lwghag, hawj gyoengqde diuq foux seiz roxyiuj yisuz minzcuz, hawj gyoengqde baenz boux swnjcienz vwnzva minzcuz. Baez neix, aen cezmuz diuqfoux 《Ciengq Denhyauz》gyoengqde camgya doxdax haenx, aeu aendingzdingj gaeuqgeq Bouxcuengh Gvangjsih guh hoenz, youq cienz ciengq seiz yienh'ok yaem'wenq aen dingzdingj goksadsad. Biujyenj ndei yawj ndaejdaengz youqciengz guekgya gaep vujudaujgyah caeuq gyoengq bingzveij haenhndei.

Baez “seizdaih ndawhag·foux doengh Sanghaij” gaiq daihcibhaj daengx guek bouxcoz nyezrauh conhyez diuqfoux doxdax neix comz le 105 aen cezmuz ndei yawj daengx guek gak dieg, doxdax gig haenq. Doeklaeng, 《Ciengq Denhyauz》aen hagdangz neix aeu ndaej gimciengi, caemhcai ndaej daengx guek “byawz dwg fouxvuengz” vangjloz heiqvunz baizmingz buengi daihhaj mingz.

(Veiz Yih/韦祎)